

迦陵詞全集

迎陵詞全集卷三

宜興陳維崧其年著

邵陽王又且黃渭

弟 維岳緯雲
宗石子萬 泰閣

新城王士祿西樵選

武進董以寧文友

男履端 校

吳江葉舒崇元禮

姪賜薛 校

柳含烟

本事

蘼和柳弄晴春輕颭江南綠水東風陌上又河邊得人憐

亂搭瓊樓絲一把故與玉郎牽惹而今香絮滾斜暉幾

時歸

散餘霞

十六夜卽景

元夜暫晴
此宵復雨

昨宵皓月涼於粉浸萬家蟬鬢花下幾兩車兒翠盈盈偏
穩今夜紅燈成陣被雨絲淹盡一隻銀鴨床頭鎮厭厭
春困

好事近

一名對
船酒

同友人過野寺

春水碧於天還與晴山賒翠歷歷幾家烟店綴山邊水次
鶯聲喚我過溪橋撲帽煥香墜風弄杏花低處露前村
小寺

隔院聽琵琶

拍徧小闌干何限塞鴻明滅老去怕逢節候正落紅時節
沙塲病卒拍檀槽隔着隣垣說似訴少年陳事有玉樓

金埒

夏日史蓮庵先生招飲卽用先生喜余歸自吳間

過訪原韻

分手柳花天雪向晴窗飄落轉眼葵肌初繡又紅欹欄角
別來世事一番新只吾徒猶昨話到英雄失路忽涼風
索索

丙辰早春得雲間張洮侯寅冬所寄書

春水錦鱗通忽把故人墨跡一紙三年纔到訝紅牋無色
當初高譙五茸城盡江東裙屐記得傀俄酒態有瓊筵
醉客

食蟹憶南耕

時南耕以禮
斗齋宿道院

溪友饋霜螯細擣蠻薑漫喫更聽糟床細注賞半窗晴碧

游仙今夜憶曹唐正鎖旌陽宅料在醮壇深處倚石床
吹笛

郟城南傾蓋亭下作

落日古郟城一望禿碑蒼黑怪底蝸黃蠹紫更蘚痕斜織
我來懷古對西風歇馬小亭側惆悵共誰傾蓋只野花
相識

漁父家風

贈梁溪趙叟

十年小閣自埋名不愛賣丹青隨身并少林逋鶴人比惠
泉清花一樹酒三升了浮生朝來微醉拍手憑闌雨後
新晴

荊州亭

題扇上琵琶行圖

苦竹黃蘆想像溢浦潯陽悵悵半幅小丹青畫出東船西
舫白傳青衫已往商婦琵琶猶響無限斷腸聲只在行
間紙上

眉峯碧

春夜見新月

寶馬縈簾押金斗薰珠袷一團醉玉怯春寒斜向紅綢壓
無語拋銀甲且自偎香鴨半鉤纖月柳梢頭問誰偷把
青天插

琴調相思引

一名玉交枝

元夕後二日夜雨卽事

綺陌將收五夜燈後堂鎖到第三層畫簷殘燭細雨恐難

勝歌板敲愁飛火鳳枕函貯夢結紅冰覺來還記踏月
六街曾

誤佳期

偶作

枕上春醒猶害樓上東風偏大金籠鸚鵡喚人來忙出花
陰外不肯把簫吹那便將花戴臉波底事十分紅莫誤
將人怪

憶秦娥

夢至石城盤馬覺後賦此

桃花埒依稀醉犯青溪雪青溪雪草頭一點玉驄明滅
驄騎桁前人欲別錦衣倉後鐘初絕鐘初絕一場春夢曉
爲時節

清平樂

長至前五日適吳門諸子有填詞社初集之舉同

集余澹心秋雪齋是夜風雨

關山如許不醉卿何苦酒潑鵝黃嬌似乳領受高齋夜雨
莫愁濕透芭鞋道傍醉倒須埋不見長洲苑裡年年落
盡宮槐

友人以哭女詩見示作此以代寫哀

紅珠辭掌絮果因風颺跌碎菱花樓上響人與舞鸞同往
昨宵粉壁金闌今宵孤冢棠梨思子臺前月落女墳湖
畔鴉啼

夜飲友人別館聽年少彈三絃限韻

夜香燒罷樺燭通宵話曲項檀槽聲不啞銀甲憑伊搯打

只圖漫撚輕籠誰憐雙袖龍鐘少日紅筇北里年來白髮西風

簷前雨罷一陣淒涼話城上老烏啼啞啞街鼓已經三打漫勞醉墨紗籠且娛別院歌鐘怪底燭花怒裂小樓吼起霜風

歡場纔罷去對孤檠話欲擊唾壺聲盡啞可惜孤城浪打一宵柳簇花籠何時萬戶千鐘塵世風波似海狂奴談笑生風

憶少年

秋日登保安寺佛閣

半村紅蓼半村烏桕半村黃葉寺樓偏作勢欲斜穿山脊檻外霜楓眠正貼被西風陡添鱗鬣閣中僧夜語有猿

吟相接

阮郎歸

爲靈雛題畫

吳綾一幅滑如脂江南好畫師長松幾樹碧離離斜添斑
竹枝 烟似水雨如絲榜花簾外垂更題半闕斷腸詞樊
川杜牧之

畫堂春

春景和少游原韻

今年愁似柳條長春宵夢斷昭陽杏花着雨隔離香瘦不
成粧 十載流連蜂蝶半生淪落湖湘殘紅幾斛撲衣裳
和淚同暈

小春

不寒不煖好年光
依然在江鄉
春人偷嫁與冬郎
便小何妨
記得年時嶺外梅妃
猶未勝粧
如今花滿紙糊房

紅紫成行

武陵春 第一體

舟次虎丘

四面吳山爭窈窕
濃綠卷歸舟
寺外人家橋上樓
春水盡情流
玉簫祠前斜日漾
惹起舊時愁
石上苔痕青未休
曾做少年游

鬲溪梅令

小寺

花前小寺背春城
不知名
森森夕陽金剎着波平
風光難盡成
阿師洗鉢趁新晴
隔溪行
閒鎖堦前梅夢一枝橫

僧維學弄笙

海棠春

閨詞和阮亭原韻

春閨金麥微微響。青鳳脰輕移銀網。睡眼恰初睜。一片紅酥漾。隣姬眉黛遙山樣。怪昨日。邀儂相賞。遮莫繡簾前。有箇人張敞。曉粧

惺忪春夢何時足。拚畫揜銀屏六曲。繡倦歇鴛針。藏在沉香褥。藕花衾壓桃花肉。微睡醒低呼小玉。何處弄琺瑯。似夏簫湘竹。午睡

韓馮啄破鞦韆影。瓊扇裏春醒初醒。半晌卸金蟲。小試蘭湯冷。後堂憎殺青銅鏡。怕照見雲鬟未整。莫道少人窺。天上堆金餅。晚浴

紅粧枕上啼紅雨。且坐聽玫瑰雙杵。纖手剔蘭煤。樓外賓
鴻語。馬蹄連夜堂堂去。偏無賴。三更蕉鼓難捉。是蕭郎
不比。牀頭塵。夜坐。

題美女圖爲閨人稱壽

智璵年小逢珍偶。多少事。燈前酒後夜合自開。花搖動珠
簾口。檀奴笑覓南朝手。圖倩女爲娘稱壽。一笑溜橫波。
媚靨紅於酒。

閨詞再和阮亭韻

依稀聽得菱花響。三竿日紅完。珠網半。聊注橫波。無數髮
雲漾。粧成誰見靈蛇樣。分付與百花閒賞。一座麗春樓。
盡把軒屏敞。

盡長嫌煞鳥三足。誰耐唱摩訶池曲。好夢遠如天落絮。平

於○柳○形○堤○火○迸○紅○榴○肉○簪○不○穩○一○枝○寒○玉○怯○暑○那○成○眠○
走○迎○銀○塘○竹○午晴

夜○堂○月○上○無○人○影○小○鸚○鵡○困○酣○難○醒○正○好○試○金○盆○一○斛○紅○

泉○冷○浴○餘○借○得○蟾○爲○鏡○誰○愛○取○冠○兒○重○整○低○髻○卸○偏○荷○

茉莉○園○成○餅○晚清

綠○絲○燭○泪○多○如○雨○搗○盡○了○月○中○嬌○杵○鏡○聽○擬○來○朝○私○卜○簾○

前○語○坐○深○裙○子○紅○都○去○早○又○是○三○通○蕉○鼓○談○解○小○郎○圍○

桂○板○銀○爲○塵○夜坐

桃源憶故人

人日感舊

畫○簾○垂○處○春○光○亂○百○感○最○難○消○遣○記○得○風○斜○彩○燕○小○立○珍○
珠○院○歲○華○又○到○粘○鷄○宴○砌○下○春○蘭○尚○淺○人○日○春○人○不○見○

目近人兒遠

春日過澹生較書所居舊址

酒闌曾過平康宿風颭繡簾簌簌紅板橋連西曲微雨櫻
桃熟而今風景傷春目不見沿溪花竹薺麥平疇搖綠
蛺蝶和烟逐

秋日曬扇見故人王湛斯畫柳賦此志感

天涯乍遇宣城叟御苑聽砧時候曾寫幾行疎柳勸我青
門酒別來往事消沉久只有齊紈在手露葉烟條依舊
解與愁眉鬪

重游惠山寄暢園懷秦對巖檢討

松湍百道喧晴雪冷瀑何年纔歇水上瘦梅如鐵眠補紅
橋缺從軍年少巴陵客三載金笳畫戟莫聽楚天百舌

千里同明月

攤破浣溪紗

雨泊秦郵

十頃孟湖碧似烟四圍蒲稗水連天
清鳥群飛聲格格戲長川
獨對烟波思往事那堪風物又殘年
且貰秦郵城下酒撥湘絃

冬閨

綺疏六扇掩玻璃花影杳思漾和衣學綰翻荷新樣髻日
將西有恨篝前銀鴨睡無情等上鈿蟬啼獨對水仙花
絮語太悽迷

山花子

送姜學在由吳門之宛陵清明掃墓

魯國男兒是孔融如今流落號吳儂燕子柳條能釀恨舊
江東謝眺樓邊樂布社琴高潭上石尤風送爾片帆春
上冢雨濛濛

眼兒嬌

過城南小曲感舊

青樓斜拂小春池池上綠楊枝態奴歌管念奴絃索唱盡
新詞重來行過章臺弄往事少人知半湖碧浪滿園疏
竹萬種淒其

冬夜聽梧軒舉填詞第二集

軒在吳伯成先生習
中同集爲澹心周次

脩齡山夫梁
汾雲何靈本

風剪蘭煤夜漸深泉響答清音官齋此夜鱸膾斫玉梅蕊
含金茂苑酒醒剛幾日浮拍又如今年紅豆五湖黃

葉費盡行吟

朝中措

平山堂懷古用歐公原韻

我來弔古傍隋宮。板渚雨濛濛。依舊平山堂外，淡烟疎柳，長空。年年此地，漫天榆筴，著地東風。大息韶華，幾換游人，猶想仙翁。

客中雜憶

層層簾幙靜焚香。紫篆裊縹緲。翠鴨嬌擎磁鼎，紅獅滿貯銅缸。如今寂寞，孤燈黯淡，細雨淋浪。料爾春纖撥火，爲儂也費思量。

香

家鄉綠雪翦南山。採摘不曾難。三徑風鏤瓦甃，半廊竹灑松漪。昨朝悔未，攜將茶壺，同上長干。却憶蘇門四友，曾

經日給龍團茶

看花常傍隔村籬。携取折枝歸。沙綠膽瓶。碧口。愛紅紫。几

烏皮。端相側正。屏當疎密。用盡幽思。記得臨行。囑汝香

綿。裏好。單持。膽瓶。

燈昏酒盡。不勝情。倚幌聽三更。惡草隣牆。馬齒亂。別館

重鳴。家園此際。小樓半掩。纖月初生。多少幽坊。冷雨綠

窗。一片楊根。三絃子。

疎狂子。野住臺城。擲笛舊知名。劈裂鐵龍。醉曉。連環。柳風

嬌鳴。消磨歲月。千場。驟。一。夜。鵝。笙。今日。偶然。閒。想。片

綠。已似。前生。蕭笛。

畫欄雕檻。盡臨河。簾內水仙多。記得半塘初買。小船細柳。

鳴。鏡。碎。盆。歸。貯。紅。泥。密。壟。錦。石。斜。迤。今。夜。州。廊。雨。幔。道。

人與蘭婆水仙

瀕菴檀萼綴蕭齋。幽韻襲人來。乍可酒邊私咲，偏宜髻底微開。而今不見，踏殘小迳，尋得蒼苔。側帽臨風，不語幾般愴舊情懷。臘梅

畫眉斜挂畫簾東。愛汝語音工。食器官窰，漲碧藥欄，小架扶紅。人今牽絆一般惆悵，兩處鞦韆。寄語憐香舊侶，風前與爲開籠。綠下

紅魚明鱗映淪漪。相間倍離離。卵色天裝，玳瑁桃花，木葉臙脂。休嗟盆沼外，邊雪浪風駭濤飛。輸爾翠漣拍甃，有人濠上相知。沼內紅魚

半生書癖墨成莊。氣壓鄴鉞強。寒夜添香炙硯，調娛閒弄朱黃。一身作客，牛腰易束，鶴背難裝。羨殺千年老蠶，鎖

穿故紙休糧

書卷

三字令

閨情

紅粧枕卓金車兩相於酒醒後夢來初挽郎袪郎欲去且
徐徐煩塞馬倩江魚寄他書休信宿莫躊躇錦鷄城金
雁驛是郎居

太常引 第一體

坐積翠閣同吳剛次賦

古苔繡壑亂泉鳴鳴咽說生平耳畔恍握箏是落葉聲耶
雨聲畫廊潑翠茶鐙翻雪趺坐證三生碧透小銅餅斜
揀朶黃梅更清

歸去來

憶石亭老桂兼寄竹逸雲臣

憶醉石亭山塢倚桂葉深處下是誰家高人墓落英飄下
如雨蒼莽中原路並不見秋香一縷月中只剩團團樹
掛芳醕相憐取

河嶺神

題秦郵露筋祠

湖上水連天湖光捲盡寒烟玉娥一去幾千年盡日凝粧
儼然漠漠雨絲飄碧瓦人在女郎祠下一樹紅梨開謝
明朝又是春社

臨津古城隍廟下作

石竹響巖巖一行斷壠荒丘無人野渡水爭流土城蔓草
含愁古廟陰森涼氣瀉楓葉映來都藉門外寒濤暗打

通志詩全集卷三十一
十一
忠立堂
錯疑簫鼓村社

醉鄉春

秦對巖携具寄暢園舉填詞第三集

銀甲開時偏惜綠水昏時勝曉雙粲枕百嬌壺好景世間
都少人對燭花微笑袖向蘋風輕昏玉山倒臉波橫酒
痕一點紅窩小

咏茶花

鼎內乳花將溜瓶裡玉花先逗眞皓潔太玲嫻雪暗茶園
如繡葉與花情相關花與葉芬相糅將嫩蕊比幽蘭幽
蘭還遜三分瘦

茶瓶兒

咏茗

綠卷茗溪顧渚拍茶婦繡裙如雨攜香茗輕盈笑語記得
飽娘一賦邀陸羽煎花乳紅闌日暮玉山半醉紉幃護
且消酪奴佳趣

極相思

夜飲友人所阿雲待余不至畱詞而去歸後和之
如塵如夢如絲脉脉意誰知歸來恨晚休搖屈戌慢叩果
恩一陣碧虛窗外雨三通鼓人去多時空畱彩句蜜花
箋淡鳳脰燈欹

思夢

濕雲未歛香蟬斜倚枕屏前分明昨夜依稀往事院後廊
邊下了紅簾擎翠鑑悄不覺笑靨微圓濛濛脉脉如塵
似影記也難全

好事近

補遺

坐羨家墩懷呂忝字

閒坐竹林邊綠暗暮禽啁哳脚科頭笑傲更主人投轄
萬竿叢篠畫陰陰風動聲敲戛憶昔悲歌痛飲有疎狂
呂八

迎陵詞全集卷三終

迦陵詞全集卷四

宜興陳維崧其年著

同邑史可程遵庵

弟維岳緯雲
宗石子萬
叅閱

滿洲成德容若

武進鄒祗謨程村

選

男履端

錢塘吳任臣志伊

姪賜薛校

西江月

咏史

姊妹猗兒孫策妹歸顧曲周瑜雀臺高處瞰三吳羨爾清
歌妙舞一望江東人物孝廉枉逞雄圖朱桓前將大王
鬚文有才高子布

過投金瀨懷古

有女江頭擊絮何人道上吹簫我來弔古悵空祠曠望幾
重雲水 覆楚爭誇伍相沼吳又說西施淮陰往事亦如
斯成敗皆由女子

題六合孫公樹捧書圖

公樹伯觀先生孫先生官舍人賜書最多

李白開元供奉當年恩禮偏隆賜書稠疊出深宮玉軸牙
籤鄭重 絕妙文孫才調翩翩王謝門風捧來亂帙悉當
胸月落華清如夢

過馮唐故里

酒罷燕歌竟歇途窮趙瑟難求潯沱水抱太行流行過鄆
南關口 疋馬霜天古磧三河玉勒長楸翩翩過客半鳴
騶笑爾馮公白首

夜宿何雍南齋中

一榻奇書繚紹三間老屋欹斜天寒沽酒撥琵琶消盡丹
徒客夜南浦零簫剩管西風社鼓神鴉他年夢亦識君
家家在寄奴山下

庭栢約予與杜茶村同詣且訂燒猪以待臨行復
以一語堅之曰來朝風雨如何茶村笑曰除是
天降紅雪吾輩便不赴阿師此會也翌日果大
風雨茶村作詞戲東因依韻答之

莫道從無絳雪眼前花雨通紅枉勞燒肉梵王宮食指朝
來不動云把芒鞋滑滑擬聽腰鼓鼙鼙如何也懶趨齋
鐘君笑曰吾從衆是日茶村亦未赴

雨

故國金戈鐵馬衰年退筆殘書心情渾似欲棲鳥偏惹連

天絲雨 風掣紅旗縱獵雨昏銀燭呼盧此聲記得不會
無那便淒涼如許

喜見獅兒

猛獸產於絕域驍騰來自安西一呼百物盡披靡何論獅
奴鵝子 我顧灰頹若此兒應跳盪如斯神仙將相詎難
爲萬事取之以氣

昔日游梁枚叔兒生此地名臯滑稽敖弄解詼嘲曼倩同
時絕倒 我意殊爲不爾詩書莫悞兒曹憑他上樹日千
遭長大耘瓜撲棗

兒已健如黃犢翁何此日纔來怒濤雪浪吼長淮兵火連
天四載 細聽吳音小却戲投粗杓旋迴怪孃奩畔有子
顰笑問客家何在

牽狗高辛集上呼鷹埵澤門邊願兒無若宋人然莊嶽之
間不遠 六歲定歸家塾有甥與汝齊年酉風西赴下江
船取萊東吳正賤

留春令

感舊

燈前喝雉樓頭繫馬山腰射虎曾放顛狂百千場要數徧
何從數 一霎渾河風葉舞捲舊游何處誰滴他鄉萬般
心是隔箇窗兒雨

少年游

感舊和柳屯田

奉誠園內小斜橋曾記近花朝
簾錢庭院築毬天氣春草
綠裙腰 而今不道心情換
飄泊墮江皋眼底人疎心頭

事滿斜凭木蘭橈

怨三三

秋懷

離離秋水正拖藍。滑又如簪。擬峭烟帆。南嶼南。浮笠澤。把黃柑。夏時曾種風柑。與鄰叟追涼笑談。今日得霜。酣樹猶如此。人則何堪。

偷聲木蘭花

懷戴无忝客成都

前年建業秋將暮。今歲蠶叢春又去。別後思君望盡南天。不見雲。竹郎祠畔紅棉好。濯錦江頭紅鯉少。湘雨巴烟。不寄成都十樣箋。

雨中同吳天篆過飲徐竹逸齋頭次天篆韻

熟梅時候蘇蘇雨遙望君家疑隔浦我墊巾來小坐歐公
畫舫齋 觥船何用頻催酒鷹爪鳳團須瀹取說鬼談經
風味依稀退院僧

題范女受小像

昔年女受在舟中隔舫有誤認爲余者故及之

君挑獨夜江船火隔舫有人呼似我仔細披圖骨瘦顏清
我不如 孤松峭壁疑無路嘯向此中尋藥去可許狂生
化作猿猱逐隊行

題關東席端伯小像

畫師要寫蕭疎意先畫綠楊絲蹴地斑竹闌干傍倚高人
興邈然 五侯七貴粉榆盛家本遼陽爭借問總不關渠
只愛荷香撲異書

題南水上人詩卷尾

六朝僧話三生事雨後人歸花下寺我最憐渠不數琴聰

與蜜殊

東坡呼惠聰爲琴聰仲殊爲蜜殊

借師禪板爲歌板唱到江東

春又晚晴絮茫茫縱使無愁也斷腸

咏錢

青蚨鑄就開元字相看似有圓圖意欲簸還慵惱煞輕狂
小沈充 擲來好卦全無准買來好事多無分榆筭由他
偏逐東風不着家

城頭月

秋月感懷

西風吹得冰輪淡桂影平於簾深巷疎砧嚴城哀柝做出
秋聲慘 月中一片朱旗閃粉堞青霜染萬里關河百年
身世倚幌聽更點

月下

冰輪偏向城頭挂河漢寥寥夜一片關山千秋楚漢萬帳
更齊打何如移向東湖舍照荳棚瓜架草響溪橋水明
山店兒女追涼話

河傳

第一體

五色鸞粟

曉鶯無賴也把啼痕花間沾灑幾絲絨線東風分派暗將
濃淡配繡勺白白紅紅態黃和黛野圃層層界朝來小
摘簾外趁他微雨賣

煨芋

黃茅新蓋土銍溫磨霜簷低矮撩人幾陣芋香無賴送來
籬落外凝脂沃雪融仙瀝餘甘在塞上酥堪賽黃梁未

熱休待飽迎朝旭曬

河傳 第二體

豆莢

隴上曉鶯低唱豆莢初嬌小姬一色綠裙腰迢迢羃野橋
悲歌楊惲家居久三杯後慣種南山豈豈花棚下月參
寥溪南閒尋漁叟談

秋夜雨

本意

小樓細裊愁絲綠和烟扶上庭竹飛來簷瓦響都瀉作奔
渾秋瀑雨肥越顯孤燈瘦展夜衾欲睡難熟別院絃柱
促正滾入淋鈴哀曲

醉紅粧

立春前一夕寄暢園小飲時有柳姬翩何在座同

園次賦

殘年屈指不盈旬晚峰愁翠黛玉杯餞臘漾紅鱗風動
處酒微數柳條偷報隔宵春歌宛轉態橫陳來早春休
園內計鴛帳底有春人

玉園兒

初冬寫懷

西風吹老清秋節迸寒空蕭蕭老鐵參片疎砧數行落雁
一城楓葉斜陽雨後明還滅映千年殘碑斷碣太息何
爲有杯休放逢花須折

探春令

庚戌元夜

去年客裡度元宵人正慊慊病撚偃師解後黃梅嗅想浴
下春燈盛今年準擬酬春興奈陰晴難定擁香篝仍剔
殘燈半盞似去年心性

咏窗外杏花

係叔祖殿
元公舊宅

崇仁宅靠善和坊舊雕闌都壞問玉樓人醉今何處只一
樹花還在紅香籠帽歸鞭快更何人能戴到如今和了
滿城微雨頻上街頭賣

試燈夜對雪

六街料理做元宵奈雪兒偏下小鸚哥隔着鞦韆架將六
出花輕罵滿城何處尋羅帕掩重門睡罷想年時多少
畫橋深巷一片紅燈掛

南柯子

蝶庵花下送蘇生仲補游京師

生善奕

帶醉翻棋局，佯愁惱綺筵。笑他柯爛不知年，輸爾纔拈紅子，便通仙。挾瑟龍池上，鳴鞭鳳闕前。妙齡絕藝有人憐，可憶江南分手，落花天。

席上贈讓侯時客有語及蔣大鴻者因并憶之

菊瘦人迴，權橙香客，研筭相逢曾在鳳凰城。記爾飛揚跋

扈舊時名

謂讓侯

萍梗成遺叟，嶒嶸任老兵。停杯忽憶杜

陵生，今夜一鉤新月，若爲情。

午睡

磁枕搖新竹，藤床蔭瘦桐。人間亦有廣寒宮，半畝荷亭幾陣藕絲風。簾滑涼於水，幃虛翠若空。花陰得失鬧鷄蟲，覺後掀髯一笑，夕陽紅。

迎春樂

本意

車兒似水裙兒複斜結着黃金犢趁嫩晴半醉誰拘束穿
徧了閒坊曲 鬢彈綉幡簪百福早暗裡品紅裁綠方勝
颺銀鰕春已在釵頭簇

訶梨領子蝤蛸項都倚在斜橋望指春竿百尺隨風漾早
一對春人上 隊隊勾芒籠綵仗狂煞了六街鞋鞦盡道
打春歸銀蠟底家家唱

韭黃漉就牢九巧紅酥滑銀匙攪正內家恰闌櫻桃小爭
覓取金盤咬 從此春城春未了有無數春花春鳥撲蝶
與聽鶯且次第將春討

立春日喫春餅謂之咬春立
春後出游爲討春牢九餅名

春衣圍定春來路花似海香成霧囑今年春到春休去拚

一世和他住 燭罷東皇心暗許向鬢影盈盈低語來歲
杜鵑聲誰聽恁催春暮

憶餘杭

東皇客舍待毛亦史不至

一樹梅花千頃碧耐盡春寒眠不得閒愁如雨雨如愁點
點在心頭 飄零心事誰知道又是天涯寒食到春江盡
處是婁江目斷水雲鄉

醉花陰

重陽和漱玉韻

滿院黃花趁白晝絲雨飾銅獸今夜是重陽不捲珍珠陣
陣西風透 一從秋怨關心後淚腕輕羅袖生怕小樓寒
慢去登高坐到鑪烟瘦

至吳門喜晤澹心園次展成旣庭石葉諸君感舊

有作

昔年想見臯橋下總是清狂者惜別泰娘家淚駢胭脂水
了鮫綃帕如今漁火楓橋夜照沈腰堪把黃葉似情人
也愛飄零不肯歸來也

初秋劉篤甫以詞招飲次韻奉酬

簾紋柳浪相零亂淺立烟廊畔徙倚早涼天闌茗捶琴短
幘由他岸南華手注纔踰半聽得提壺喚一醉莫思鄉
只恐江東蓴鱸招張翰

夏月小有堂中看丘近夫朱致一葉九來諸子投壺

滿院松風鳴瓦銚碧淨苔堦好喬木翳新蟬水檻閒凭又

貼荷錢小 人間萬事何時了無計除煩惱激矢躍蓮花

出手成驍暫博天公笑

稗史云玉女投壺每中天公爲一笑

撲螢

齊紈似粉誰新研愛把渾香惹金屋夜無人熠燿初流笑
竟輕羅打迎涼不是閒貪耍指定花陰罵千古好雷塘
總是伊家做出興亡話

紅窗睡

冬夜

花影枝枝牆上界晴月把小紅樓曬三更巷口西風大惹
獨兒寒吹輕薄楊花心性改知何處酒旗戲鼓輕狂難
耐薰籠銀鴨却恹恹長在

咏櫻桃花

一樹垂垂搖繡幌光映得小樓都絳無風誰觸花枝響墮
繁紅兩兩細雨似聞鶯細講香堦下美人休折讓花全
放待他成顆闌白家唇樣

河傳 第三體

新茗

穀雨嬌女微遵綠幃輕攜翠管拍茶初櫻筍厨一縷夜瀉
煎雪乳酒惡愁將繡衾浣龍團破頓覺春醒妥藉庭莎
翠茗柯羅羅北窗幽興多

河傳 第四體

黃薔薇

櫻桃已謝牡丹開罷薔薇滿榭夕陽漫漫一架低亞檀痕
汚粉帕黃鸝一色枝頭罵朦朧怕誰送金丸打畫廊東

繡花叢芳絨施朱近也慵

河傳 第五體

紫蛺蝶花

低暉牆陰微暈簾罅露濯烟梳滿園妬紫趁晴鋪紫紆傍
裙裾 玉娥撲徧花間路誰飛去紉扇今番誤有時粉翅
疑花鬢輕扶問伊不如

河傳 第六體

虞美人花

楚歌四面戰旗一片歲歲江東此花實透還是垓下重瞳
舊啼紅 劉郎原廟空千古咸陽樹銀雁飛何處英雄兒
女誰憐總付東流野花愁

怨王孫

詠觀音柳

一名花柳爭春弱穗垂絲花作淺綠色

小卉清綺籠窗拂水柳宿垣中河陽縣裡春絮枉自天邪不成花烟姿露葉依然裊腰逾小添得花枝好莫拋隋苑好向水月金餅聽潮音

立春戲東園次時夜有柳校書在寓

柳色如此佳爲佳耳未到飄綿已經蘸水隔巷趙女彈箏

沒心情

卷有趙姬亦固兄所歡

博山熏燄沉香火衫兒褰微覺東

風大麝衾夢醒驚問還是寒宵是春朝

徵招調中腔

冰雪兼旬試燈前一夕始有春意

是誰錯料春光點費幾許東皇周折昨始繡完半絲兒豔暝紅上雙頰雛暄嫩煦增妍悅似乍嫁新娘生怯小綰

樹邊一些春已漸滑小禽舌

雨中花

雨中看桃花

絲絲香雨催儂去。依依人柳留儂住。住也無聊去還有恨。
去住渾無據。今歲桃花千百樹。去年人面應非故。萬點
胭脂一行清淚。總是消魂處。

雨窗咏梅和南畝作

連日春工寒勒住。繡不滿枝頭嬌嫵。一點胭脂半廊香雪。
開在無人處。漫倚畫簷垂玉筍。我含淚細爲花訴。四海
青衫六宮紅粉。幾陣風和雨。

咏薰籠

一架紅篝涼似水。相偎靠玲瓏莫比。斑竹無塵疎篴偏瘦。

小鴨中間睡。縱向形奩多轉徙。也只在簾前被底繡幔。
縈時錦鞋閣處。往事難提起。

杏花天

咏滇茶

穠春冶葉朱門裡。弄東風紅粧初試。殘鶯天氣香綿墜。悵
悵最宜著此。見多少江南桃李。斜陽外翩翩自喜異鄉。
花卉傷心死。目斷昆明萬里。

題震修杏花小照

虎頭食肉通侯相。君本是詞場飛將。紛紛餘子真厮養。自
署五湖之長。慈恩寺春從蝶釀。紅綾讌餅如月樣。香園
指日鞭絲漾。鬧煞賣花深巷。

浪淘沙

專諸巷看殺梁買鼓槌

綠水滑如油漲滿銅溝柳花伴我作閒游青漆鼓槌紅架
子別樣風流 買了且歸休單絞岑牟世間定有此人
不須向金闕亭下路打散春愁

趙問波處士坐臥一小樓十年不入城市邑宰高

其誼以脫粟餽之詞以紀事同園次賦

酒盡恰天寒鹿柴

音若

恒關漫勞麴米想雲安盡日療飢惟

焦色多謝青山

花縣忽分餐猿鶴齊歡溪南村老杖藜

觀怪汝炊烟飄一縷瑞雪同看

夏雨寫懷

繞惱聽啼鵲又奏林蟬青趺誰爲買流年舊日榆錢都使
盡且換荷錢 陰雨太綿綿淚一般般霞紅驚射粉籬邊

誰道晚霞偏釀雨明日依然

題圖次收綸濯足圖

澗瀨幾千堆濺雪轟雷巨鰲映日挾山來舞鬣揚鬐爭跋
浪晝夜喧阗濯足碧溪隈一笑沿洄龍窩蛟窟莫相猜
我有珊瑚竿不用不是無才

和容若韻

鳳脰罨殘燈抹麗中庭臨岐摘阮要人聽不信一行金雁
小有許多聲今夜怯涼更茶沸笙瓶夢中夢好怕他醒
依舊刺桐花底去無限心情

雪中舟次語溪

枯柳挂疎汀夜火星星昨宵西水驛邊停猶記津樓綃幔
底誰喚銀瓶寒氣過空舫客夢初醒亂帆又過語兒亭

我與六花同一例隨路飄零

戀繡衾

春暮

鶯鶯春夢弄夾衣壓闌干凭損玉肌小玉向紗窗報拆紅
牆園笋乍肥馬蹄得得穿花外正鄰家蕩子早歸歎櫻
桃都謝了怪伊行沒箇信兒

昏昏綠水乳燕飛颺香紅堆滿地衣梳洗罷登樓望見長
天一碧四圍行人更在天之外問地名甚處武威想郎
處枝頭鳥并無杜宇勸歸

月照梨花

送緯雲弟渡江之廣陵

鐵瓮隱隱怒濤滾滾簸來掀梁陶吳洗晉誰泛水調清謳

是隣舟 望中一抹斜陽恨可憐消盡六代金粉老夫還
記舊揚州紅袖悠悠滿江樓

河傳 第七體

楊花

藏鴉時候當初綰住永豐坊口絲絲踈地蘸春波雨後和
烟籠翠牖 如今滿院喧晴雪香綿積滾盡東風力茜袂
遮翠幃斜楊花一生不着家

河傳 第八體

玫瑰

疎籬半掩輕風斜颭濃香幾點藥闌邊纔綻盈盈紫艷粉
蛾勾睡臉 頻呼小玉私攀取提籠去小摘盈階雨撲白
芬沿蘚痕續紛刺堯金縷裙

河傳 第九體

榆錢

蕩漾誰侑輕如蝶翅小於錢樣拋家離井若爲情薄然江
東落絮天年年苦被東君鎖啼鴉訴賤賣韶光去殘晴
湖剪春蕪模糊漫空下五銖

摘紅英

咏落花

真珠絡倉琅鑰如塵似夢連天落香車暝朱闌凭畱他不
住喚他不應花前約春前諾玉娥含淚思量著粘犀釘
銷鴛徑憎他蕩子憐他薄命

迦陵詞全集卷四

古

惠立堂

迦陵詞全集卷四終

迦陵詞全集卷五

宜興陳維崧其年著

栢鄉魏 勳亮采

弟 維岳緯雲
泰閱

德州謝重輝方山選

宗石子萬

平湖陸 榮義山

男履端
校

如皋冒丹書青若

姪賜薛

鷓鴣天

贈吳中狎客

白帽紅靴態可憐
短簫橫笛興翩翩
曾教錦瑟房中曲
慣請朱門灞上田
人似月夜如年
何須彩筆賦甘泉
朝來熾淚堆紅雨
猶擁廬兒醉意錢

秋日撥悶作

一派涼秋似鏡湖西風蕭瑟雁啣蘆樓頭竹暗晴難妥枕
底橙香酒易酥傷老大笑髯癯霜紅露白轉躊躇鰓魚
苦笋捌街賤不見錯奴并態奴

咏宋子京賜內人

路出繁臺遇玉顏柳花如夢撲雕鞍倚他才子吟紅杏博
得君王賜綠鬟鶯嚦嚦鳥關關粉娥笑語繡帷間郎君

幾燭脩唐史底事邀靈李義山

子京詞內彩鳳靈犀一語皆用義山成語故戲及之

七夕後一夕路次淮陰作

袁浦風流習亂灘楚州纖月臥微瀾今宵新惹雙星怨此
地原嗟一飯難車歷碌軸班蘭故園回首好溪山赤車
應詔渾閒事贏得征塵沈旅顏

謝史蓮庵先生惠新茗

竹院風爐夢正長
綃封簪裏十分香
龍團搗罷雲生日
蟹眼煎成雨沸窗
拚冷淡儘奔忙
不如閒事好商量
人間別有真南董
新註茶經四五章

苦雨和遽庵先生

簷溜淙淙徹夜聞
曉山沒却髻螺痕
風掀竹尾敲詩夢
雨凝花鬢濕苔魂
拋短杖開清樽
蒙頭敗絮睡昏昏
誰傾銅狄千年淚
瀉入瞿塘兩峽門

此首用少游韻

入夏端然似涉秋
粉雲陰重不曾收
那知四月之間雨
做就中年以後愁
兒女恨
霸王籌濠濶都付兩溪流
碧天何日紅霞襯
並徧江南小畫樓

曾控吟鞭驛館遙
紅韉馬上夢初消
雪登麥積秦箏苦
雨歇叢臺趙女嬌
泥滑滑
髣髴蕭蕭故園仍傍斬蛟橋
老夫

輸却龍孫健挾雨齊抽十萬梢

園苑仙人杖過眉陡然春去也成悲新愁洛下銅駝曉舊
事堯年老鶴知閒握槊悶彈棋漫天絲雨且題詩寄來
數闋淋鈴曲我在街南中酒時

以上俱用
稼軒韻

寓興用稼軒韻同蓮庵先生作

斫屨吹簫吳市間恨無大藥駐紅顏詩情浩蕩風前絮身
計微茫海外山耽放浪恣蕭閒烟波境界十分寬新衍
麴部兼茶部舊署園官并橘官

曾倚瑤臺啜月行喚他鶯鶴不相迎當時酒態公然好今
日詩狂太瘦生千百輩儘容卿問誰堪與耦而耕灌夫
已去袁絲死淪落人間少弟兄

墨栗開邊已放芽枝頭梅子着些些勤過小園招晴蝶閒

倚疎林數點鴉 無箇事帽簷斜風光消得晚還家陡然
却憶前生事看徧蓬萊碧奈花

元夕前二日聞南耕原白諸子雪中有龍池之游
作此調之

瀼瀼街泥未肯晴群公高興愛山行一行翠榜欹烟滑幾
隊紅氍映雪明 真寂歷劇淒清寺橋猶欠一聲鶯歸來
更值街燈落兩地風光醉不成

贈莊山人七十

雨後晴鬢翠可捫風前畫縠綠成痕桃花開徧防漁父翻
蝶飛來認耳孫 書滿架酒盈尊舉家耕讀任乾坤也知
丸藥今晨懶偶愛聽鶯過別村

贈李匪莪

篋裡還存寶劍篇
舍旁已買瀼西田
蓼莪久廢中年後
鴻雁難尋絕塞邊
撲帽雪隔離籬烟
綠楊絲隱釣魚船
難封休恨君家廣
仙李由來結大年

金鳳鈞

春夜同展成飲御之齋頭感舊

東風裡絳桃樹
幕記起年時見
汝紅芳正好濃
香乍飽俊眼相看
如許如今花放長
洲路只是我朱顏
非故舊情如夢閑
愁似海闊插花鬢
細數

河傳 第十體

新筍

新筍初引烟梢
墜粉花闌蒸菌
斑痕隱隱舞透
銀牆翠畛小園
春已盡金中一
斛瀟湘碧霜刀
劈慘毫河拖白
藕

幾箇籠欄屏他時成龍破壁飛

河傳 第十一體

櫻桃

丹顆倭墮雨蕭蕭昨夜前村板橋釣籃兩岸賣櫻桃嬌
嬌玉纖曾亂招 搓絮替將金彈打流鶯鴛舍慣流丹液凝
閣東殿晚風朦朧翠樓都染紅

河傳 第十二體

青梅

認否如豆春歸不久亞檻青垂映簷綠透纖笏小摘輕攢
奈他翠滑何 粉娥貪結累累子纔拈起觸着酸心事將
梅仁妾意兩樣試郎懷定誰憐

鵲橋仙

咏竹逸齋頭紫牡丹

歐家碧好彭門紅好總讓伊行清綺畫欄纔放數枝花映
百丈銀墻都紫相公袍帶頭廳印綬凡艷那堪相比試
將花色細形容烟凝得暮山如此花名紫袍金印王勃紫
王閣序烟光凝而暮山
紫

七夕同蓮庵先生暨諸公飲楨百堂中漫賦

天邊枕簟人間瓜果此夜嫩涼分取次公原是醒而狂誰
耐乞七襄殘縷穿針樓下凭肩殿角何限喁喁私語只
因烏鵲事荒唐誤盡了許多兒女

蒙城舟中讀雲臣蝶庵詞

蒲河滄楚盈船蒜酪鬱鬱吾其誰語江東詞客盛如雲別
去伴長淮鹽沽紅蓮半綻碧鱸正得醉任無情今古讀

完半卷驪庵詞吹鐵笛酒然而去

隱前柳

本意

曉粧前有一樹黃金縷
倍娉媚秦樓上蠻腰樣只思眠纔
欲抱便如烟 謝綉幙輕縈姿愈俊
勝長街拋擲堪憐莫
倚輕狂甚便成綿絮陌上舞河邊

玉樓春

生日邀陸景宜崔不雕飲廣陵酒家醉後題壁
天涯作客傷心極
廣陵花月無消息
百錢且上酒家樓終
當埋我陶家側
此兒自是難衣食
相逢幸是曾相識
左
呼陸厥右崔駟四十今年余竟得

春夜同雲臣遠公天石諸子讌集原白池亭次雲

臣原韻

紆人最愛金蟲軟。障燭更憑羅袖展。酒船風動感紅鱗。歌板烟籠啼紫燕。城頭側聽三更轉。玉漏漸深還道淺。明朝重揭綉簾斜。花底隄應未捲。

南鄉子

咏春蘭

三月玉街寒。錦雨絲絲不肯乾。飄得賣花聲到了春蘭一。重清芬。勝麝檀。對此憶家山。手折紅菰不忍看。還記那年寒食夜。幽歡人在花香鬢影間。

邢州道上作

秋色冷并刀。一派酸風捲怒濤。並馬三河年少客。粗豪皂帽林中醉射雕。殘酒憶荆高。燕趙悲歌事未消。憶昨車

聲寒易水今朝慷慨還過豫讓橋

夏日午睡

新竹春中庭荷蓋初齊水南亭屋小如幃無客到常局梨
心勝林矮紙屏變夢超真真行向槐安國內經正拜南
柯真太守還醒一片松濤沸枕櫬

螢

露井坐三更無數幽輝印水精忽地流將深竹去身輕却
把深閨綉幔縈惆悵記前生繡瓦曾經弄月明閒話江
都隋煬帝含情扇暉輕羅撲不成

咏呂仙堂葡萄

誰放白毫光萬串晶毬綴講堂髣髴諸天瓔珞會飄颻珠
母輕盈出海洋碧椀瀉瓊漿何必金莖肺始凉寄語蠻

姬休浪晒須嘗似否卿家十八娘

和放公春暮感舊原韻

老去杜樊川怕學啼紅小蜀鵲花謝花開關底事風前捲
了簑衣上釣船回想也徒然往事如塵又似烟偏是阿
師忘不了情牽滿院鶯聲賣酒天

搗衣

悄倚綠垣陰聽誰家響暮砧不是此聲聽不得關心自
惜離愁萬種深夜夢別秋衾趁了西風返故林滿巷砧
聲都一樣沉吟黃葉村扉那處尋

虞美人

渡江

白蘋花盡凋寒玉舴艋搖空濛秋潮恰比簾紋平趁此日

斜風細剪江行 最憐黃鸝墳頭土多少 今和古年來生
怕說興亡笑指楚天新雁兩三行

咏鏡

香奩涼鑑 麟金獸背歷蛟螭 鉏玉人偏妬小菱花 慣是團
圓兩字不如他 翠鸞莫道心如鐵 春筍曾提挈 紅塵沈
處奈他何 我亦受人憐惜爲人磨

靈璧縣虞姬墓下作

八千子弟來江左 單騎暗鳴我誰歎 歌者楚聲高還是吾
家舊日典連廐 美人駿馬英雄槩 一死千秋在荒祠 莫
恨枕寒田賤妾孤墳長在大王前

無聊

無聊笑撚花枝說處處鵲啼血 好花須映好樓臺 休傍秦

關蜀棧戰場開。倚樓極目添愁緒。更對東風語。好風休
簸戰旗紅。早送鱗魚如雪過江東。

端午閨詞

綠窗輕剖鵝黃繭。更把紅絨剪。製成一對小於菟。傍嵌繫
絲綳。葉。碎真珠。盈盈暗繫綃裙下。但願無驚怕。莫嫌此
物。遶鴛鴦。會懺虎兒明歲出蘭房。

朱砂撚入銀壺酒。此意郎知否。與郎染就好心腸。休戀舊
蒲北。聖別家香。粉和水麝金盤內。雨過荷珠碎。一生多
干是紅榴。更愛萱花小字號忘憂。

靈符殿上香雲膩。綉虎釵頭睡。守宮酥。賜粉蟾蜍。還到立
綃牛。掩裏脚。繡。燈前笑把檀郎踈。誰道諸般毒。東家醺
醺過西家。多恐薄情心性劣於他。

年年競渡。唱歌雪屋。崩銀浪。如今不見木蘭船。門掩一庭微雨。讀離騷。風前皓腕。纏紅縷。往事依稀數。多時忘却。辟兵符。今歲重新提起。暗嗟吁。

吳門遇嘉禾沈馨聞追感延令舊游賦贈

與君且醉楓橋酒。往事思量否。夜烏筵上盡情啼。曾看兩行紅粉黛鬟低。建封去後秋娘老。燕子樓空了。阿誰留得最長條。重倚東風。再闌沈郎腰。

題徐渭文畫花卉翎毛便面

扇畫虞美人花并秋蝶

簾櫳水浸。剛初夏。淺勝春也。數枝白白。與紅紅。飄到一雙秋蝶。粉濛濛。愁看劉項興亡史。且讀南華子。漆園栩栩過牆來。笑爾閒花。還傍月明開。

賦得一枝紅牡丹

綠窗濃晝逢初夏滿院花都謝昨宵絲管醉沉香重放一枝欄角闌紅粧曲廊軟幔嬌難畫提起開元話楊妃帶笑綻紅鮮不數阿姨粉面夜朝天

秦園小憩

綠莎廳折風廊去是我曾眠處萬條柳線罨簾櫳無限狂奴春夢在其中花間郭橐駝來了也較年時老海棠枝上坐流鶯認否劉郎前度問他聲

吳門春暮重見楊枝

千絲萬縷隋堤柳往事思量否楊花飛雪暮春時又向鱗諸巷口見楊枝酒旗漾在臯橋下醉殺休論價半襟鵝血染東風可似尚書筵畔舞衣紅

追感令肥先生

夏日登舟遇雨小泊北郊却寄南耕天篆二子

銀濤作陣溪花舞雙槳如何去半畝綠簪昏潭香分取水
禽飛處一絲涼 禿衿翠茗煎花乳可少畱儂處湖山大
似有鄉情故遣石尤遲我不成行

泊舟垂虹橋不及過晤舍妹同緯雲弟悵然賦此
碧鱸紅稻江村市森森重經此夜深水調起隣船記得不
曾聽已十多年 北風漸釀逢窗雪心事和誰說匆匆忘
發大雷書望裡汀花沙鳥暗南湖

過青駝寺感舊寄示冒子青若昔年雲郎隨予北
上于此地遇青若
魯山更比吳山翠路入青駝寺亂峰怪石甃圍墻墻裡人
家一半棗花香 當初有箇卿家燕與汝天涯見曉風殘
月憶從前不道因循過了十餘年

夜行船

月下汎舟水繪園同冒巢民先生賦

蘭橈輕點春流碧
蘸垂楊絲絲無力
百頃簾紋一泓香黛
人在短篷吹笛
更愛月華波上白
影娥池水禽飛拍醉
吸玉鱗狂呼霜兔可
認騎鯨仙客

醉落魄

春夜微雪

春閨日暮輕寒已
著櫻桃樹博山小篆
飄香縷斜掩青樓
一陣銷魂雨
夜深珂雪偏難住
金尊小泛蘭陵醕酒紅
漸入香肌去
嬾剔金荷細對菱花語

咏鷹

寒山幾堵風低削
碎中原路秋空一碧
無今古醉袒貂裘
略記尋呼處
男兒身手和誰賭
老來猛氣還軒舉
人間

多少閒狐兔月黑沙黃此際偏思汝

夜游宮

秋懷

耿耿秋情欲動早噴入霜橋笛孔快倚西風作三弄短狐
悲瘦猿愁啼破冢碧落銀盤凍照不了秦關楚隴無數
蛩吟古磚縫料今宵靠屏風無好夢

秋氣橫排萬馬盡屯在長城墻下每到三更素商瀉濕龍
樓暈鴛機迷爵瓦誰復憐卿者酒醒後棹床悲詫使氣
筵前舞甘蔗我思今古之人桓子野

箭與饑鴟競快側秋腦角鷹愁態駿馬妖姬秣燕代笑吳
兒困雕蟲矜細欵齷齪誰能耐總一笑浮雲睚眦獨去
爲傭學無賴圯橋邊有猿公期我在

一派明雲薦爽秋不住碧空中響如此江山徒莽蒼伯符
耶寄奴耶嗟已往十載羞厮養辜負煞長頭大賴思與
騎奴游上黨趁秋晴蹀躞蓮花西嶽掌

踏莎行

次舟河橋

別酒纔醒離程乍遠蘭橈斜閣烟中飯霜華昨夜濕銀簪
夜深記有人低喚腸斷難禁魂銷何限隣舟商婦箏聲
換一分明月照河橋橋頭船裡愁千萬

咏帳鉤

玉色無痕粉光欲研一生管住春風罽紗幘凝望碧如烟
憐伊蕩漾何曾挂顛處輕盈控來低亞流蘇絳在銀球
下月明風細漸琮琤依稀似說春宵話

冬夜不寐

舊恨如絲新寒似水兩般都着人心裡五更刁斗汴梁城
一天風雪成皁壘古寺鐘生隣牆月死枕頭欹遍如何
是半生孤憤酒難澆挑燈且讀韓非子

西村隣叟餽予梅子豆莢玫瑰薔薇滿器賦此謝
之

北郭澆花南山種豆筠簋入市紛如繡半肩愛惹蝶蜂爭
一生怕聽蛟龍鬪問訊鄰翁寄聲溪友向時風景依稀
否前村渡已綠多時野橋梅定黃如舊

夏夜感舊

月挂樓櫺風吹沼面水天閒話人微倦些些只許枕頭知
星星生怕流螢見街鼓三更淚痕一串如今舊事思量

徧他生須讀淨名經。小樓已署回心院。

南畊花徑成

雜卉歲羣葩。蔥峭紅英紫萼紛。相照藤蘿深巷碧如天。
薔薇低架平於帽。韻事堪矜癡情可笑。隔隣蜂蝶都知。
道今年僅爲乞花忙。明春客定提壺鬧。

虞美人 第二體

春夜舟行

紅泉碧杜殊清麗。白舫紗窗閉。春江人在鏡中行。船樓鳳
脰一枝橫。夢難成。漁蠻踏浪尋村酒。爛醉歌銅斗。蝦籠
灣口賽黃牛。三更珠露濕船頭。似清秋。
蝦籠陽
羨水名

惜分釵

偶作

擊劍罷追風射當時旁若無人者過橫塘喚名倡痛飲狂
歌說霸論王堂堂花枝謝人兒嫁無端夢醒西樓下袖
郎當淚淋浪一種心情滿院斜陽悵悵

臨江仙

一名庭院深深

賦得睡起茫然成獨笑數聲漁笛在滄浪爲園次

題帳額畫幅

西塞山前無六月半間草閣臨流晚來都聚打魚舟笛聲
四起劃碎一江秋正值南柯初罷郡槐陰璫戰剛休兼
天波浪打閒鷗寄聲三老今夜轉船頭

七娘子

春閨

紅檠斜照人無語圓冰對漾春無緒陌上鶯啼梁間燕乳

夢中伯到銷魂處 小樓春色留難住斜橋春水流將去
三月時光一年節序水晶簾外廉纖雨

花間虞美人

爲廣陵何茹庵題像

像在荷潭竹嶼間
旁有兩輕人侍

角弓硬箭黃金兜須上凌烟畫不然脫帽五湖天藕絲簾
粉伴茶烟亦前緣 雄心畢竟輕餘子知我佳人耳雙援
裙帶繞花行涼軒水檻十分清說平生

小重山

泊舟松陵城外未及一晤舍妹賦此寫懷

颿如陣馬驟晴空一條銀練吼走虬龍回頭烟樹失吳宮
靈巖寺塔影尚龍菴 榭葉滿湖紅檣燈和估笛點空濛
夕陽船已過垂虹無由泊心事一杯中

迦陵詞全集卷五終